

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 28 NOVEMBER 2013, PUKUL 10.00 PAGI

Bil. 47

PERTANYAAN-PERTANYAAN BAGI JAWAB LISAN

1. PR-1313-L58656
Datuk Bung Moktar bin Radin [Kinabatangan] minta **MENTERI KEMAJUAN LUAR BANDAR DAN WILAYAH** menyatakan tentang pelaksanaan jalan raya luar bandar terutamanya di Kinabatangan antaranya Jalan Kampung Buang Sayang, Jalan Kampung Karamuak, Jalan Kampung Sinar Jaya dan Jalan Kampung Bangkulat-Tongod.
2. PR-1313-L57317
Tuan William Leong Jee Keen [Selayang] minta **MENTERI DALAM NEGERI** menyatakan alasan Kerajaan tidak meluluskan cadangan pembentukan polis bantuan di negeri bagi membanteras jenayah yang semakin berleluasa sedangkan bilangan anggota polis tidak cukup untuk menjamin keselamatan rakyat.
3. PR-1313-L58308
Dato' Ahmad Fauzi bin Zahari [Setiawangsa] minta **MENTERI PERUSAHAAN PERLADANGAN DAN KOMODITI** menyatakan nilai eksport negara mengikut keutamaan komoditi bermula tahun 2010-2013 dan nilai import negara mengikut keutamaan komoditi bermula tahun 2010-2013.
4. PR-1313-L58605
Tuan Manivanan a/l Gowindasamy [Kapar] minta **MENTERI KESIHATAN** menyatakan:-
 - (a) lokasi secara spesifik di Bukit Raja, tarikh mula dan siap, jumlah kos pembinaan, kepakaran dan kemudahan perkhidmatan yang akan diberikan selaras dengan rancangan Kerajaan untuk membina hospital di Parlimen Kapar; dan
 - (b) lokasi secara spesifik, tarikh mula dan siap, jumlah kos pembinaan, kepakaran dan kemudahan perkhidmatan yang akan diberikan di Klinik Kesihatan Kapar Baru yang menggantikan Klinik Kesihatan Lama di bawah RP3, RMK-10.

5. PR-1313-L58703
Datuk Haji Shabudin bin Yahaya [Tasek Gelugor] minta **PERDANA MENTERI** menyatakan sejauh manakah kejayaan yang dicapai oleh kerajaan dalam usaha mempromosikan program Satu Daerah Satu Industri (SDSI) dan berapakah kos yang telah dibelanjakan untuk tujuan tersebut.
6. PR-1313-L58445
Datuk Mohd Idris bin Jusi [Batu Pahat] minta **MENTERI KEMAJUAN LUAR BANDAR DAN WILAYAH** menyatakan berapa jumlah keluarga miskin di Batu Pahat, berapa ramai yang telah menerima bantuan dan apa rancangan untuk melepaskan mereka daripada belenggu kemiskinan.
7. PR-1313-L58150
Tuan Che Mohamad Zulkifly bin Jusoh [Setiu] minta **PERDANA MENTERI** menyatakan bilangan jemaah haji Malaysia bagi tahun 2013/1434 Hijrah mengikut negeri dan mengikut peringkat umur serta nyatakan sejauh manakah Kerajaan memberikan keutamaan kepada warga emas untuk menunaikan fardhu haji tahun ini dan akan datang.
8. PR-1313-L57464
Tuan Shamsul Iskandar bin Mohd Akin [Bukit Katil] minta **MENTERI PERTANIAN DAN INDUSTRI ASAS TANI** menyatakan usaha dalam memajukan tanah terbiar seluas 200,000 hektar di seluruh negara yang berpotensi untuk projek pertanian dan berdasarkan keluasan ini berapakah petani baru yang boleh mendapat manfaat daripadanya.
9. PR-1313-L57997
Puan Rubiah binti Haji Wang [Kota Samarahan] minta **MENTERI PENDIDIKAN** menyatakan adakah pengisian dan keperluan yang disediakan di peringkat awal kanak-kanak cukup untuk menghasilkan generasi yang bijak dalam menerajui negara dan apakah perancangan Kementerian untuk memantapkan institusi ini.
10. PR-1313-L57229
Dato' Mansor bin Othman [Nibong Tebal] minta **MENTERI PERTANIAN DAN INDUSTRI ASAS TANI** menyatakan dengan terperinci sistem pemantauan yang dilakukan bagi memastikan peruntukan yang disalurkan kepada Pertubuhan Peladang Kawasan (PPK) benar-benar memberi manfaat kepada kumpulan sasar.
11. PR-1313-L58123
Datuk Raime bin Unggi [Tenom] minta **PERDANA MENTERI** menyatakan status Institut Wasatiyyah Malaysia yang diilhamkan oleh YAB. Perdana Menteri dan sejauh manakah sambutan negara-negara luar terhadap inisiatif yang diusahakan oleh Malaysia mengenai gerakan wasatiyyah di peringkat sejagat.
12. PR-1313-L58375
Dato' Dr. Nik Mazian bin Nik Mohamad [Pasir Puteh] minta **MENTERI KESIHATAN** menyatakan adakah bekalan darah negara mencukupi kerana kerap kedengaran tahap simpanan yang sentiasa kritikal. Adakah peruntukan untuk pusat tabung darah juga mencukupi.

13. PR-1313-L58225
Dato' Hasbullah bin Osman [Gerik] minta **MENTERI SUMBER ASLI DAN ALAM SEKITAR** menyatakan bagaimana pengawalan serta pemantauan bagi memastikan fauna yang terlarang seperti harimau, gajah, tenggiling, tapir yang terdapat dalam hutan simpan seluruh negara terutama di Royal Belum dari ancaman dan tindakan khianat pemburu haram serta penceroboh dalam serta luar negara.
14. PR-1313-L58616
Dato' Dr. Mujahid Yusof Rawa [Parit Buntar] minta **MENTERI SUMBER ASLI DAN ALAM SEKITAR** menyatakan usaha-usaha konservasi sumber alam hasil dari impak perubahan cuaca dunia.
15. PR-1313-L59104
Ir. Shaharuddin bin Ismail [Kangar] minta **MENTERI PENDIDIKAN** menyatakan sistem yang digunakan Kementerian Pendidikan di naik taraf supaya tidak membuang masa guru, sebagai contoh sistem PBS yang sangat perlahan dan memakan masa yang panjang bagi para guru untuk mengisi markah murid-murid.
16. PR-1313-L58401
Tuan Su Keong Siong [Ipoh Timor] minta **MENTERI PENDIDIKAN** menyatakan sebab-sebab ataupun punca-punca penurunan prestasi, standard dan kedudukan IPTA-IPTA kita sepertimana yang dilaporkan di bawah *The Times Higher Education World University Ranking 2012-2013*.
17. PR-1313-L57743
Tuan Haji Hasbi bin Haji Habibollah [Limbang] minta **MENTERI KERJA RAYA** menyatakan agar Kementerian menyediakan peruntukan untuk menaik taraf jalan luar bandar Jalan Bukit Lubuk kepada Jalan R5 di Limbang kerana Kerajaan Negeri Sarawak telah meluluskan pembinaan Jambatan Sungai Limbang yang akan meningkatkan kapasiti penggunaan kenderaan di jalan tersebut.
18. PR-1313-L57184
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan apakah tindakan Kementerian terhadap golongan pekerja sekiranya TPPA ditandatangani dan kesan terhadap perjanjian tersebut akan menghakis manfaat pekerja.
19. PR-1313-L57452
Datuk Chua Tee Yong [Labis] minta **MENTERI PENDIDIKAN** menyatakan apakah panduan Kementerian dan Jabatan Pendidikan berkaitan penggabungan sekolah-sekolah kurang murid serta justifikasinya, dan adakah kementerian mendapat pandangan-pandangan ibu-bapa di sekolah-sekolah tersebut sebelum membuat keputusan.
20. PR-1313-L57111
Dr. Haji Izani bin Haji Husin [Pengkalan Chepa] minta **MENTERI KEMAJUAN LUAR BANDAR DAN WILAYAH** menyatakan berapa ramaiakah bilangan miskin tegar dalam Parlimen Pengkalan Chepa dan apakah usaha Kerajaan untuk mengatasi perkara tersebut.

21. PR-1313-L59066
Dato' Shamsul Anuar bin Haji Nasarah [Lenggong] minta **MENTERI DALAM NEGERI** menyatakan:-
- (a) tahap keselamatan rakyat dalam negara kesan Operasi Cantas; dan
 - (b) usaha Kementerian untuk mengawal keselamatan di kawasan sempadan di utara Semenanjung serta perairan negara.
22. PR-1313-L58906
Tuan Zairil Khir Johari [Bukit Bendera] minta **MENTERI PENDIDIKAN** menyatakan semua projek di bawah Kementerian yang membabitkan lantikan juru runding luar seperti McKinsey, senarai penuh juru runding yang dilantik serta berapakah kos yang dibayar untuk khidmat nasihat mereka.
23. PR-1313-L57933
Datuk Seri Panglima Haji Abdul Ghapur bin Haji Salleh [Kalabakan] minta **MENTERI SUMBER ASLI DAN ALAM SEKITAR** menyatakan apakah ada peruntukan undang-undang yang mewajibkan agar peratusan tertentu pada semua kawasan hutan di negara ini diwajibkan sebagai hutan simpan kekal.
24. PR-1313-L57847
Tuan Liew Chin Tong [Kluang] minta **MENTERI DALAM NEGERI** menyatakan mekanisme sedia ada yang memastikan Cawangan Khas PDRM tidak dipergunakan oleh parti politik Kerajaan dalam gejala-gejala parti politik, apakah sudah sampai masa memansuh Cawangan Khas dan diganti dengan Biro Risikan Jenayah seperti di Australia dan Hong Kong.
25. PR-1313-L58048
Dr. Mansor bin Abd Rahman [Sik] minta **MENTERI DALAM NEGERI** menyatakan apakah tindakan Kerajaan dalam mengatasi masalah pendatang asing yang sewenang-wenangnya berniaga di negara kita, contohnya kedai-kedai dan gerai-gerai makan oleh pendatang dari Patani Thailand, Indonesia, Bangladesh dan pasar-pasar Kemboja.
26. PR-1313-L57385
Tuan R. Sivarasa [Subang] minta **PERDANA MENTERI** menyatakan sama ada Kerajaan sedia menyokong usaha menubuhkan jawatankuasa-jawatankuasa di Parlimen seperti 12 Komisi-komisi yang berjalan di Parlimen Indonesia atau juga jawatankuasa-jawatankuasa di parlimen-parlimen di negara-negara Komanwel yang mengamalkan sistem Parlimen Westminster.
27. PR-1313-L58280
Datuk Wee Jeck Seng [Tanjong Piai] minta **MENTERI SUMBER ASLI DAN ALAM SEKITAR** menyatakan apakah langkah-langkah yang dilakukan oleh pihak Kementerian untuk meningkatkan kesedaran rakyat agar tidak melakukan pembakaran terbuka sekali gus menjadi penyumbang kepada pencemaran alam sekitar.

28. PR-1313-L57921
Tuan Gooi Hsiao-Leung [Alor Setar] minta **MENTERI KEWANGAN** menyatakan langkah-langkah lalu dan masa hadapan yang akan diambil oleh Kerajaan untuk menyuntik lebih ketelusan dan integriti dalam proses bajet.
29. PR-1313-L58788
Dato' Henry Sum Agong [Lawas] minta **MENTERI LUAR NEGERI** menyatakan apakah penglibatan Kerajaan dalam usaha damai di Filipina di antara Kerajaan dan Pihak Pemisah Wilayah Selatan negara tersebut berkesan dan pendirian Kerajaan jika ada pelarian yang ingin mencari perlindungan di Malaysia akibat pergolakan di wilayah tersebut.
30. PR-1313-L58469
Tuan Chua Tian Chang @ Tian Chua [Batu] minta **MENTERI PERTAHANAN** menyatakan sama ada semua peralatan dan senjata untuk kapal selam Scorpene sudah diselenggara. Nyatakan jumlah perbelanjaan yang telah digunakan untuk penyelenggaraan kapal selam.
31. PR-1313-L58871
Datuk Johari bin Abdul Ghani [Titiwangsa] minta **PERDANA MENTERI** menyatakan jumlah produk perniagaan Perusahaan Kecil dan Sederhana (PKS) yang dipasarkan dalam rangkaian kedai Mesra PETRONAS di seluruh negara.
32. PR-1313-L57427
Dato' Haji Mahfuz bin Omar [Pokok Sena] minta **MENTERI KEWANGAN** menyatakan kadar sewa bulanan Ibu Pejabat Amanah Ikhtiar Malaysia yang dibayar kepada AIM Sdn. Bhd.
33. PR-1313-L57703
Tuan Rozman bin Isli [Labuan] minta **PERDANA MENTERI** menyatakan apakah boleh diadakan program khas menghantar pelajar-pelajar Labuan terutamanya Bumiputera ke universiti di luar negeri setelah Kerajaan Negeri Sabah berhenti berbuat demikian untuk anak Labuan sejak menjadi Wilayah Persekutuan.
34. PR-1313-L58820
Puan Hajah Zuraida binti Kamaruddin [Ampang] minta **PERDANA MENTERI** menyatakan berapakah penggunaan RM150 juta yang diperuntukkan kepada Program Pendidikan PERMATA dalam tahun ini dan apakah usaha yang telah dilaksanakan oleh Program Pendidikan Permata dalam membangunkan pendidikan Malaysia.
35. PR-1313-L58765
Puan Hajah Fuziah binti Salleh [Kuantan] minta **MENTERI KEWANGAN** menyatakan jumlah keseluruhan wang Kumpulan Wang Simpanan Pekerja (KWSP) yang tidak dituntut oleh pencarum dan apakah langkah yang diambil oleh Kerajaan dalam menguruskannya.

36. PR-1313-L58961
Dato' Sri Azalina binti Dato' Othman Said [Pengerang] minta **MENTERI PENDIDIKAN** menyatakan:-
- (a) sehingga kini berapakah jumlah sekolah-sekolah yang telah menerima pembiayaan dan pengagihan daripada Tabung Khas Pembinaan, Penambahbaikan dan Penyelenggaraan Sekolah seperti yang diumumkan dalam Bajet 2013 iaitu RM400 juta untuk sekolah kebangsaan dan RM100 juta untuk SJK (C), SJK (T), Sekolah Mubaligh, Sekolah Agama Bantuan Kerajaan, Sekolah Berasrama Penuh dan MRSM; dan
 - (b) sehingga kini beri perangkaan terperinci bagi setiap kategori sekolah tersebut yang telah menerima pembiayaan dari Tabung tersebut yang telah membaik pulih bangunan sekolah, penyelenggaraan, pembelian, peralatan dan pembinaan blok tambahan.
37. PR-1313-L58928
Tan Sri Dato Sri William Mawan Ikom [Saratok] minta **MENTERI PENDIDIKAN** menyatakan adakah Kementerian mempunyai rancangan untuk membuat tinjauan dan pemantauan ke sekolah-sekolah yang usang di kawasan pedalaman terutamanya Saratok supaya pembaikan atau kerja naik taraf dapat dijalankan terhadap bangunan-bangunan yang semakin merbahaya.
38. PR-1313-L57145
Dr. Ismail bin Daut [Merbok] minta **MENTERI SUMBER MANUSIA** menyatakan kawalan limpahan buruh asing yang menyebabkan peluang pekerjaan penduduk tempatan telah diambil alih, peningkatan perpindahan aliran wang ke luar negara dan kewujudan kelompok-kelompok sub kerja tanpa disedari telah meningkatkan masalah sosial seperti penyakit dan sebagainya.
39. PR-1313-L58210
Raja Dato' Kamarul Bahrin Shah [Kuala Terengganu] minta **PERDANA MENTERI** menyatakan apakah strategi Kerajaan menjelang 2020 untuk merapatkan jurang perbezaan pendapatan dan taraf hidup penduduk-penduduk luar bandar (*rural*) dan penduduk bandar (*urban*).
40. PR-1313-L57901
Tuan Charles Anthony Santiago [Klang] minta **MENTERI PERDAGANGAN ANTARABANGSA DAN INDUSTRI** menyatakan jumlah BIT termasuk ISDS dalam Perjanjian Perdagangan Bebas yang telah ditandatangani oleh Kerajaan Malaysia sehingga kini.
41. PR-1313-L58172
Dato' Wira Othman bin Abdul [Pendang] minta **MENTERI KEWANGAN** menyatakan bagaimana cara Kerajaan untuk membantu syarikat-syarikat insurans yang terpaksa menanggung kerugian kerana *third party claim*.

42. PR-1313-L58256
Tuan Tan Kok Wai [Cheras] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jumlah keseluruhan peruntukan yang disediakan kepada kampung-kampung baru setiap tahun sejak tahun 2008 sehingga bulan September 2013. Adakah prinsip yang digunakan dalam pengagihan peruntukan dalam projek pembangunan di Kampung Baru sama diguna pakai di semua negeri termasuk negeri-negeri yang diperintah oleh Pakatan Rakyat.
43. PR-1313-L58759
Dr. Mohd Hatta bin Md. Ramli [Kuala Krai] minta **MENTERI KEWANGAN** menyatakan:-
- (a) kesan terhadap jumlah hutang isi rumah (*household debt*) selepas Bank Negara mengetatkan peraturan untuk pinjaman peribadi dan perumahan Julai lalu; dan
 - (b) langkah untuk mengawal peminjam wang berlesen bagi memastikan hutang isi rumah tidak bertambah.
44. PR-1313-L58483
Tuan Ahmad Baihaki bin Atiqullah [Kubang Kerian] minta **MENTERI KEWANGAN** menyatakan kenyataan yang digunakan oleh Kerajaan dalam menentukan harga minyak ialah turun naiknya harga minyak dunia. Semenjak 2008 hingga sekarang, berapa kalikah berlaku turun naiknya harga minyak pasaran dunia dan berapa kali pula ia mempengaruhi harga minyak di negara kita.
45. PR-1313-L57709
Tuan Seah Leong Peng [Telok Intan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilakah balai bomba akan dinaik taraf di kawasan Hilir Perak disebabkan kini pembangunan bangunan komersial dan perumahan di kawasan Hilir Perak dan kawasan persekitarannya sedang rancak dibangunkan.
46. PR-1313-L57484
Dr. Michael Jeyakumar Devaraj [Sungai Siput] minta **MENTERI KEWANGAN** menyatakan bilangan pencarum KWSP dengan jumlah caruman (termasuk syer majikan dan pekerja) di bawah RM200 sebulan pada Disember 2012 dan pada Ogos 2013.
47. PR-1313-L58534
Tuan Mohamed Azmin bin Ali [Gombak] minta **PERDANA MENTERI** menyatakan adakah Kerajaan telah bersedia untuk meminda Seksyen 23 Akta SPRM selaras dengan usaha untuk mendukung program transformasi SPRM secara menyeluruh.

48. PR-1313-L58454
Tuan Haji Mohd Rafizi bin Ramli [Pandan] minta **MENTERI KEWANGAN** menyatakan jumlah penggunaan petrol dan diesel (dalam bilion liter) setiap tahun bagi tahun 2009 hingga 2013 yang tertakluk kepada pemberian subsidi oleh Kerajaan.
49. PR-1313-L58849
Datuk Haji Datu Nasrun bin Datu Mansur [Silam] minta **PERDANA MENTERI** menyatakan melalui Skim Amanah Saham Bumiputera yang telah diperkenalkan pada 2 Januari 1990 di bawah Permodalan Nasional Berhad:-
- (a) apakah kesan terhadap ekonomi Bumiputera yang telah mencarum di bawah skim ASB ini serta sejauh mana kefahaman dan penerimaan rakyat terhadap perancangan ekonomi di bawah skim simpanan ASB; dan
 - (b) apakah perbezaannya dengan ASB 2 yang mendapat suntikan modal sebanyak 10 bilion unit saham .
50. PR-1313-L57092
Dato' Seri Ong Ka Chuan [Tanjong Malim] minta **MENTERI TENAGA, TEKNOLOGI HIJAU DAN AIR** menyatakan apakah kaedah yang berkesan untuk mengawal punca air daripada pencemaran seperti mana yang berlaku di Selangor baru-baru ini.
51. PR-1313-L57590
Puan Hajah Normala binti Abdul Samad [Pasir Gudang] minta **PERDANA MENTERI** menyatakan langkah-langkah yang diambil dalam menangani masalah syiah di negara ini dan hukuman yang akan dikenakan terhadap mereka yang dipercayai membawa, menganut, mengamal dan/atau menyebarkan ajaran syiah.
52. PR-1313-L57635
Datuk Aaron Ago anak Dagang [Kanowit] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan dasar dan langkah Kementerian bagi mengatasi kenaikan harga rumah yang terlalu tinggi dan menjejaskan kemampuan kebanyakan rakyat untuk memiliki rumah di negara ini.
53. PR-1313-L58267
Datuk Ikmal Hisham bin Abdul Aziz [Tanah Merah] minta **PERDANA MENTERI** menyatakan apakah langkah yang akan dilakukan Kementerian dalam usaha membantu golongan berpendapatan sederhana mengurangkan beban akibat kos hidup yang semakin meningkat.

ATURAN URUSAN MESYUARAT DAN USUL-USUL

1. **Menyambung Semula Pertimbangan Rang Undang-undang Perbekalan 2014 (D.R.21/2013) dan Usul Anggaran Perbelanjaan Pembangunan 2014 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (27 November, 2013)

- | | | | |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |
| 6. | (D.R. 18/2013) | Rang Undang-undang Pertaruhan Pool (Pindaan) 2013 | “ |
| | | [Menteri Kewangan] | |

7. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “
- [Menteri di Jabatan Perdana Menteri]**
8. (D.R. 10/2013) Rang Undang-undang Kanun Tatacara Jenayah (Pindaan) 2013 “
- [Menteri di Jabatan Perdana Menteri]**
9. (D.R. 12/2013) Rang Undang-undang Keterangan (Pindaan) 2013 “
- [Menteri di Jabatan Perdana Menteri]**
10. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “
- [Menteri Pelancongan dan Kebudayaan]**
11. (D.R. 20/2013) Rang Undang-Undang Dadah Berbahaya (Pindaan) 2013 “
- [Menteri Kesihatan]**

12. **Menteri Kewangan akan mencadangkan :**

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM28,905 juta wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

13. PR-1313-U58205

Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut.

Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

14. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

15. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

16. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

17. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

18. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

19. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

20. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

21. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2013</u>	<u>RISALAT/DOKUMEN</u>	<u>TARIKH DIBENTANGKAN</u>
ST.88	Laporan Tahunan dan Penyata Kewangan Lembaga Kemajuan Pertanian Kemubu (KADA) Bagi Tahun 2012.	28 November 2013
ST.101	Laporan Tahunan dan Penyata Kewangan Perbadanan Labuan Bagi Tahun 2012.	28 November 2013
ST.102	Laporan Tahunan dan Penyata Kewangan Perbadanan Putrajaya Bagi Tahun 2012.	28 November 2013
ST.104	Laporan Tahunan dan Penyata Kewangan Pertubuhan Keselamatan Sosial (PERKESO) Bagi Tahun 2012.	28 November 2013
ST.122	Laporan Tahunan dan Penyata Kewangan Lembaga Pelabuhan Kemaman Bagi Tahun 2012	28 November 2013
ST.123	Laporan Tahunan dan Penyata Kewangan Lembaga Pelabuhan Kuantan Bagi Tahun 2012	28 November 2013
ST.125	Laporan Tahunan dan Penyata Kewangan Lembaga Pelabuhan Kelang dan Lembaga Pelabuhan Melaka Bagi Tahun 2012.	28 November 2013
ST.129	Laporan Tahunan dan Penyata Kewangan Majlis Sukan Wilayah Persekutuan (MSWP) Bagi Tahun 2012.	28 November 2013
ST.136	Laporan Tahunan dan Penyata Kewangan Lembaga Wakaf Hindu Negeri Pulau Pinang Bagi Tahun 2012.	28 November 2013